



Fylkesmannen i Hordaland

Sakshandsamar, telefon
Kjetil Stavø Høvig, 5557 2260

Vår dato
16.01.2018
Dykkar dato
«REFDATO»

Vår referanse
2018/830
Dykkar referanse
«REF»

Grunnskular i Hordaland med ungdomstrinn

Innmelding av fagpersonar som kan nyttast til sensuroppdrag ved sentralt gitt eksamen i grunnskulen våren 2018

Fylkesmannen i Hordaland, Utdanningsavdelinga har ansvar for oppnemning av sensorar til skriftleg eksamen i grunnskulen i fylket. Vi ber med dette om framlegg til fagpersonar som kan nyttast til sensoroppdrag våren 2018.

Innan 1. mars må skulane ha registrert fagpersonar i det nye eksamensadministrasjonssystemet, dvs. lærar som Fylkesmannen kan oppnemne som sensorar til skriftleg eksamen våren 2018.

Utdanningsdirektoratet sine nettsider inneheld all praktisk informasjon

Vi viser til Utdanningsdirektoratet sine sider når det gjeld all praktisk informasjon om oppnemning av fagpersonar, samt anna informasjon om eksamen. Informasjonen som ligg der vil til ei kvar tid vere oppdatert.

<https://www.udir.no/eksamen-og-prover/eksamen/administrere-eksamen/>

Fagpersonar i norsk må registrerast i tre fagkodar

Foreslegne fagpersonar i norsk må registrerast i alle dei tre fagkodane. Desse er NOR0214 (hovudmål), NOR0215 (sidemål) og NOR1415 (fritak for vurdering i sidemål).

Rektor sikrar kvaliteten på sensurarbeidet

Vi er heilt avhengige av at rektor kvalitetssikrar fagpersonane frå eigen skule. Skal elevsvara få ei kvalitativt god og rett vurdering, må vi lite på at dei sensorane vi oppnemner er skikka for sensurarbeidet. Vi ber rektor leggje vekt på at potensielle sensorar:

- *har god innsikt i læreplanane*
- *er fagleg dyktig*
- *har ein påliteleg veremåte*
- *har god arbeidskapasitet og samarbeidsevne*
- *har undervisningskompetanse i faget*
- *bør ha erfaring frå undervisning i avgangsklasse*

På bakgrunn av dette ber vi rektor:

- *motivere lærarar til å ta på seg sensoroppdrag og vurdere om det er nye lærarar som bør kome med. Fylkesmannen ønskjer at fleire yngre lærarar blir rekrutterte til sensurarbeid*

- *forsikre seg om at dei lærarane som rektor tilrår til sensoroppdrag verkeleg ønskjer å ta på seg eit slikt oppdrag om dei skulle bli oppnemnde*

Kva får ein att for å vera sensor?

Vi har registrert at det er stor variasjon frå skule til skule når det gjeld interesse for å ta på seg oppdrag som sensor. Nokre skular melder inn mange fagpersonar, andre har få eller ingen. Å vera sensor er ei form for etterutdanning som har stor verdi for den einskilde lærar og for skulen. Det er ei fagleg oppdatering, ein får eit fagleg nettverk ut over eigen skule og ein får nye erfaringar i arbeidet med vurdering. I tillegg gjev det ei ekstra inntekt.

Det er svært verdfullt at så mange lærarar som mogeleg får sensorerfaring og får delta i dei faglege drøftingane på sensorsamlingar og fellessensurmøte. Den kompetansen læraren får som sensor bør nyttast i faglege drøftingar på eigen skule/i eigen kommune.

Oppnemning av sensorar

Fylkesmannen oppnemner sensorane for eitt år om gongen. Ein sensor har difor ikkje krav på oppnemning ut over det eine året. Det er ei målsetjing at både røynde og urøynde sensorar skal nyttast i sensorkorpset.

Ved oppnemninga vil vi, så langt det er mogleg, ta omsyn til at det skal vera tilnærma lik fordeling av begge kjønn i sensorgruppene for faga, at det er ei spreining i alder og røynde i sensorkorpset og at alle skular får oppnemnd minst ein sensor. Dei som skal fungera som sensorar vil få melding om dette i mars.

Ver elles merksam på følgjande:

- fellessensuren i 2018 er fastsett til mandag 18. juni. Alle sensorane pliktar å møta på fellessensuren
- fagsamling for alle sensorane er lagt til torsdag 7. juni.

Med helsing

Anne Hjermann
utdanningsdirektør

Kjetil Stavø Høvig
seniorrådgjevar

Brevet er godkjent elektronisk og har derfor inga underskrift.